



BOSNA I HERCEGOVINA

БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0025305 24
Sarajevo, 21.10.2024.godine

SUD BOSNE I HERCEGOVINE
- Sudiji za prethodno saslušanje -
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

О П Т У Ж Н И Ц У

PROTIV:

ELVIR POLJO, [REDACTED] rođen [REDACTED] 1975.godine u
mjestu Vlahović, Višegrad, [REDACTED] državljani BiH, [REDACTED]

Što je:

I)

Dana 24.03.2024. godine, na teritoriji Bosne i Hercegovine, svjestan da prevozi krijumčarena lica u BiH, i da time omogućava boravak tih lica na području BiH, znajući da ne ispunjavaju uslove za zakoniti boravak na području BiH, protivno članu 6. Protokola protiv krijumčarenja migranata kopnenim, morskim i vazdušnim putem kojim se dopunjuje Konvencija UN protiv transnacionalnog i organizovanog kriminala (Sl. glasnik BiH broj 37/02), u namjeri sticanja protivpravne imovinske koristi sa njemu poznatim licem dogovorio da preveze ukupno 14 stranih državljana, koji su prokrijumčareni sa područja Republike Srbije u Bosnu i Hercegovinu, na način da se dovezao na teritoriju općine Višegrad, u mjesto Vlahovići, gdje je primio navedenih 14 krijumčarenih lica u putničko motorno vozilo MERCEDES registarskog broja: [REDACTED], kojim je isti upravljao, od kojih su 4 maloljetna lica, koji su u namjeri da ilegalno otputuju u zemlje Zapadne Evrope dogovorili sa njima poznatim licem da im organizuje ilegalno putovanje, za određeni novčani iznos, i koje su prešle nezakonito državnu granicu između Srbije i Bosne i Hercegovine, van graničnih mjesta otvorenih za međunarodni promet, uz pomoć nepoznate osobe krijumčara, što je protivno članu 7. stav 2. Zakona o graničnoj kontroli (Sl.glasnik BiH broj 53/09, 54/10 i 47/14), i koji nisu posjedovali odobrenje za boravak, odnosno lica koja ne ispunjavaju uslove za zakonit ulazak preko državne granice u BiH, i koja ne ispunjavaju uslove za zakonit boravak na području BiH, što je propisano članom 8. stav 1. Zakona o strancima (Sl. glasnik BiH broj 88/15, 34/21, 63/23), te iako je Poljo Elviru bilo poznato da se radi o krijumčarenim licima, po prethodnom dogovoru sa njemu poznatim licem, primio ih i povezao u putničkom motornom vozilu marke MERCEDES registarskog broja: [REDACTED] nakon čega je zaustavljen od strane policijskih službenika PS Rogatica u mjestu Sastavci, općina Rogatica.

II)

Dana 31.03.2024. godine, na teritoriji Bosne i Hercegovine, svjestan da prevozi krijumčarena lica u BiH, i da time omogućava boravak tih lica na području BiH, znajući da ne ispunjavaju uslove za zakoniti boravak na području BiH, protivno članu 6. Protokola protiv krijumčarenja migranata kopnenim, morskim i vazdušnim putem kojim se dopunjuje Konvencija UN protiv transnacionalnog i organizovanog kriminala (Sl. glasnik BiH broj 37/02), u namjeri sticanja protivpravne imovinske koristi sa njemu poznatim licem dogovorio da preveze ukupno 7 stranih državljana, koji su prokrijumčareni sa područja Republike Srbije u Bosnu i Hercegovinu, na način da se dovezao na teritoriju općine Višegrad, gdje je primio navedenih 7 krijumčarenih lica, državljana Sirije u putničko motorno vozilo VW SHARAN registarskog broja [REDACTED], kojim je isti upravljao, koje je iznajmljeno od Renta car agencije, od kojih su 4 maloljetna lica, koji su u namjeri da ilegalno otputuju u zemlje Zapadne Evrope dogovorili sa njima poznatim licem da im organizuje ilegalno putovanje, za određeni novčani iznos, i koje su prešle nezakonito državnu granicu između Srbije i Bosne i Hercegovine, van graničnih mjesta otvorenih za međunarodni promet, uz pomoć nepoznate osobe krijumčara, što je protivno članu 7. stav 2. Zakona o graničnoj kontroli (Sl.glasnik BiH broj 53/09, 54/10 i 47/14) i koji nisu posjedovali važeća dokumenta, putnu ispravu i vizu ili odobrenje za boravak, odnosno lica koja ne ispunjavaju uslove za zakonit ulazak preko državne granice u BiH, i koja ne ispunjavaju uslove za zakonit boravak na području BiH, što je propisano članom 8. stav 1. Zakona o strancima (Sl. glasnik BiH broj 88/15, 34/21, 63/23), te iako je Poljo Elviru bilo poznato da se radi o krijumčarenim licima, po prethodnom dogovoru sa njemu poznatim licem, primio ih i povezao u putničkom motornom vozilu marke VW SHARAN registarskog broja: [REDACTED], nakon čega je zaustavljen od strane policijskih službenika PS Sokolac u mjestu Podromanija, općina Sokolac.

III)

Dana 27.05.2024.godine oko 15,30 sati na teritoriji Bosne i Hercegovine, svjestan da prevozi krijumčarena lica u BiH, i da time omogućava boravak tih lica na području BiH, a znajući da ne ispunjavaju uslove za zakoniti boravak na području BiH, protivno članu 6. Protokola protiv krijumčarenja migranata kopnenim, morskim i vazdušnim putem kojim se dopunjuje Konvencija UN protiv transnacionalnog i organizovanog kriminala (Sl. glasnik BiH broj 37/02), u namjeri sticanja protivpravne imovinske koristi sa njemu poznatim licem dogovorio da preveze ukupno 10 stranih državljana, koji su prokrijumčareni sa područja Republike Srbije u BiH, te se dovezao do Višegrada tako što je angažovao poznanika [REDACTED] potom je preuzeo vozilo Audi Q7 i u pratnji [REDACTED] koji je upravljao vozilom CITROEN C5, odveo se do mjesta Podgorije-Donje Vardiše u neposrednu blizinu graničnog pojasa BiH i R Srbije, gdje je potom dao upute [REDACTED] da primi 4 strana državljana, a osumnjičeni je u vozilo primio 6 stranih državljana, koji su u namjeri da se prebace u Sarajevo dogovorili sa njima poznatim licem da im organizuje ilegalno putovanje, za određeni novčani iznos, i koji su prešli nezakonito državnu granicu između Republike Srbije i Bosne i Hercegovine preko šume u grupi koja je imala vodiča i koji ih je pješke preveo preko granice, van graničnih mjesta otvorenih za međunarodni promet, uz pomoć nepoznate osobe krijumčara, što je protivno članu 7. stav 2. Zakona o graničnoj kontroli (Sl.glasnik BiH broj 53/09, 54/10 i 47/14), i koji nisu posjedovali važeća dokumenta, putnu ispravu i vizu ili odobrenje za boravak, odnosno lica koja ne ispunjavaju uslove za zakonit ulazak preko državne granice u BiH, i koja ne ispunjavaju uslove za zakonit boravak na području BiH, što je propisano članom 8. stav 1. Zakona o strancima (Sl. glasnik BiH broj 88/15, 34/21, 63/23), te kad su došli na teritoriju BiH u mjesto Podgorije, iako je Elviru Polji bilo poznato da se radi o krijumčarenim licima, po prethodnom dogovoru sa njemu poznatim licem, isti je angažovao poznanika [REDACTED], a potom ih rasporedio u vozilo kojim je upravljao [REDACTED] vozilo AUDI Q7 kojim je upravljao Elvir Poljo, te su ih zajedno povezli u pravcu Višegrada, nakon čega su isti zaustavljeni i kontrolisani od strane Granične policije BiH JGP Višegrad u pograničnom pojasu, kojom prilikom je utvrđeno da je Elvir Poljo organizovao prevoz 10 stranih državljana Sirije sa namjerom prebacivanja u Sarajevo za novčanu naknadu.

IV)

Dana 02.08.2024.godine, Elvir Poljo je angažovao [REDACTED] kako bi preuzeli krijumčarena lica na području mjesta Vardište u pograničnom pojasu sa Republikom Srbijom i iste prevezli do Sarajeva, postupajući protivno članu 6. Protokola protiv krijumčarenja migranata kopnenim, morskim i vazdušnim putem kojim se dopunjuje Konvencija UN protiv transnacionalnog i organizovanog kriminala (Sl. glasnik BiH broj 37/02), sve u namjeri sticanja protivpravne imovinske koristi dogovorio i angažovao [REDACTED], radi preuzimanja i prevoza krijumčarenih lica sa područja Republike Srbije u Bosnu i Hercegovinu, na način da se Elvir Poljo dovezao vozilom Škoda Octavia na kojoj je imao nepripadajuće registarske oznake [REDACTED] na područje Višegrada i pograničnog pojasa imajući ulogu čistača i izvidnice za [REDACTED] koji su se dovezli kombi vozilom marke VW Crafter u pogranično područje gdje su preuzeli krijumčarena lica njih ukupno 30, među kojima je 9 maloljetnih lica, a koji su u namjeri da ilegalno oputuju u zemlje Zapadne Evrope dogovorili sa njima poznatim licem da im organizuje ilegalno putovanje, za određeni novčani iznos, i koje su prešle nezakonito državnu granicu između Srbije i Bosne i Hercegovine, van graničnih mjesta otvorenih za međunarodni promet, uz pomoć nepoznate osobe krijumčara, što je protivno članu 7. stav 2. Zakona o graničnoj kontroli (Sl.glasnik BiH broj 53/09, 54/10 i 47/14) i koji nisu posjedovali važeća dokumenta, putnu ispravu i vizu ili odobrenje za boravak, odnosno lica koja ne ispunjavaju uslove za zakonit ulazak preko državne granice u BiH, i

koja ne ispunjavaju uslove za zakonit boravak na području BiH, što je propisano članom 8. stav 1. Zakona o strancima (Sl. glasnik BiH broj 88/15, 34/21, 63/23), te iako im je to bilo poznato, ista krijumčarena lica smjestili u kombi, a za to vrijeme je Elvir Poljo im dojavljivao kuda da se kreću kako bi izbjegli policijske patrole, da bi kombi vozilo bilo zaustavljeno od strane policije u mjestu Rodića brdo dana 02.08.2024.godine u jutarnjim satima oko 05,35 sati u neposrednoj blizini granice sa Republikom Srbijom.

Dakle, prevezio i učestvovao u prevozu u četiri navrata više krijumčarenih lica u Bosni i Hercegovini, među kojima i maloljetnika, omogućivši na taj način boravak krijumčarenim licima u BiH,

Čime je počinio :

pod tačkom 1. krivično djelo Krijumčarenje ljudi iz člana 189.stav 4. KZBIH u vezi sa stavom 2. KZ istog zakona, pod tačkom 2. krivično djelo Krijumčarenje ljudi iz člana 189. stav 4. KZBIH u vezi sa stavom 2. istog zakona, pod tačkom 3. krivično djelo Krijumčarenja ljudi iz člana 189.stav 2. KZ BIH, i pod tačkom 4. krivično djelo Krijumčarenje ljudi iz člana 189.stav 4. u vezi sa stavom 2. istog zakona, sve u vezi sa članom 29. KZBIH i u vezi sa članom 54. istog zakona.

T U Ž I L A C
TUŽILAŠTVA-TUŽITELJSTVA BiH